

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj 7/10) i Odluke Vlade Zeničko-dobojskog kantona o odobravanju sredstava za pomoć (broj: 02-14-21043/14 od 23.10.2014. godine), Zaključka Vlade Zeničko-dobojskog kantona (broj: 02-14-21041/14 od 23.10.2014. godine), a shodno Odluci Upravnog odbora Federalnog fonda o utvrđivanju kriterija, dodjeli i usmjeravanju sredstava privrednim subjektima koji su pretrpjeli štete usljed prirodne nesreće (broj: 01-14-11/14 od 4.9.2014. godine), Vlada Zeničko-dobojskog kantona, na prijedlog Ministarstva privrede, na 190. sjednici, održanoj 06.11.2014. godine, d o n o s i

ZAKLJUČAK

I.

Usvaja se Uputstvo o postupcima i kriterijima za odobravanje i dodjelu finansijskih sredstava iz Federalnog fonda namijenjenih saniranju dijela direktnih šteta od poplava shodno Zaključku Vlade Zeničko-dobojskog kantona (broj: 02-14-21041/14 od 23.10.2014. godine).

II.

Za realizaciju Javnog poziva shodno Uputstvu iz tačke I. zadužuje se Ministarstvo za privredu.

III.

Stupanjem na snagu ovog Zaključka, stavlja se van snage Zaključak o usvajanju Uputstva o postupcima i kriterijima za odobravanje i dodjelu finansijskih sredstava iz Federalnog fonda namijenjenih saniranju dijela direktnih šteta od poplava kod privrednih subjekata (broj: 02-02-18517/14 od 18.09.2014. godine).

IV.

Zaključak stupa na snagu danom donošenja.

Broj: 02-_____/14
Datum, 06.11.2014. godine
Z e n i c a

PREMIJER

Munib Husejnagić, dipl.ing.maš.

DOSTAVLJENO:

1x Ministarstvo za privredu,
1x Ministarstvo finansija,
1x a/a.



**UPUTSTVO O POSTUPKU I KRITERIJIMA
ZA ODOBRAVANJE I DODJELU FINANSIJSKIH SREDSTAVA IZ
FEDERALNOG FONDA NAMIJENJENIH SANIRANJU DIJELA DIREKTNIH
ŠTETA OD POPLAVA SHODNO ZAKLJUČKU VLADE ZDK
BR. 02-14-21041/14 OD 23.10.2014. GODINE**

Zenica, oktobar 2014. godine

UVOD

Poslije katastrofalnih poplava koje su zadesile Bosnu i Hercegovinu, pa i Zeničko-dobojski kanton, u 2014. godini, te nakon formiranja Federalnog fonda za pomoć nastradalim područjima od prirodnih nesreća na teritoriji Federacije Bosne i Hercegovine (u daljem tekstu: Fond), Upravni odbor Fonda donio je Odluku o utvrđivanju kriterija, dodjeli i usmjeravanju sredstava privrednim subjektima koji su pretrpjeli štete usljed prirodne nesreće, broj: 01-14-11/14 od 4.9.2014. godine (u daljem tekstu: Odluka).

Odlukom Vlade Zeničko-dobojskog kantona o odobravanju sredstva za pomoć u saniranju dijela direktnih šteta usljed prirodne nesreće kod poslovnih subjekata na području Zeničko-dobojskog kantona (broj: 02-14-21043/14 od 23.10.2014. godine) odobrena su sredstva Federalnog fonda za pomoć nastradalim područjima od prirodne nesreće na teritoriji FBiH usmjerena Zeničko-dobojskom kantonu za pomoć u saniranju dijela direktnih šteta usljed prirodne nesreće kod poslovnih subjekata sa područja Zeničko-dobojskog kantona. Navedenom Odlukom utvrđeno je da će se sredstva u iznosu od 600.000,00 KM, koja su dodijeljena Zeničko-dobojskom kantonu, rasporediti poslovnim subjektima po okončanju Javnog poziva za odobravanje i dodjelu finansijskih sredstava iz Federalnog fonda – pomoći namjenjenih saniranju direktnih šteta usljed poplava kod poslovnih subjekata raspisanog od strane Ministarstva za privredu.

Zaključkom Vlade Zeničko-dobojskog kantona (broj: 02-02-18517/14 od 18.09.2014. godine) usvojeno je Uputstvo o postupku i kriterijima za odobravanje i dojelu finansijskih sredstava iz Federalnog fonda – pomoći namjenjenih saniranju direktnih šteta usljed poplava kod privrednih subjekata. Shodno tom Zaključku raspisan je Javni poziv koji je zatvoren 08.10.2014. godine. Imenovana Komisija je izvršila pregled pristiglih zahtjeva i sačinila Izvještaj o realizaciji Javnog poziva za prikupljanje zahtjeva za odobravanje i dodjelu finansijskih sredstava iz Federalnog fonda – pomoći namjenjenih saniranju direktnih šteta usljed poplava kod privrednih subjekata.

Vlada Zeničko-dobojskog kantona Zaključkom (broj: 02-14-21041/14 od 23.10.2014. godine) nije usvojila Izvještaj Komisije o realizaciji Javnog poziva, poništila je provedeni Javni poziv, te zadužila Ministarstvo za privredu da hitno raspiše novi javni poziv za prikupljanje zahtjeva za odobravanje i dodjelu finansijskih sredstava iz Federalnog fonda – pomoći namjenjenih saniranju direktnih šteta usljed poplava kod privrednih subjekata tako da budu obuhvaćeni svi privredni subjekti bez obzira na djelatnost koju obavljaju a u skladu sa Odlukom Upravnog odbora Federalnog fonda. Takođe, istim Zaključkom, Vlada je zadužila Ministarstvo za privredu da hitno pripremi izmjene i/ili dopune Uputstva o postupku i kriterijima za odobravanje i dojelu finansijskih sredstava iz Federalnog fonda – pomoći namjenjenih saniranju direktnih šteta usljed poplava kod privrednih subjekata usvojena Zaključkom Vlade Zeničko-dobojskog kantona (broj: 02-02-18517/14 od 18.09.2014. godine).

1. IZVORI SREDSTAVA

Financijska sredstva za saniranje dijela direktnih šteta kod privrednih subjekata obezbijedena su iz Budžetu Fonda, utvrđena Odlukom Vlade Zeničko-dobojskog kantona o odobravanju sredstva za pomoć u saniranju dijela direktnih šteta usljed prirodne nesreće kod poslovnih subjekata na području Zeničko-dobojskog kantona (broj: 02-14-21043/14 od 23.10.2014. godine) u iznosu od 600.000,00 KM (šestotina hiljada konvertibilnih maraka).

2. NAMJENA SREDSTAVA

Financijska sredstva iz tačke 1. ovog Uputstva namijenjena su za saniranje dijela direktnih šteta od poplava.

Prema Uredbi o jedinstvenoj metodologiji za procjenu šteta od prirodnih i drugih nesreća („Službene novine Federacije Bosne i Hercegovine“ broj: 75/04, 38/06, 52/09, 56/09) predmet procjene štete, između ostalog, su i direktne štete na oštećenim i uništenim materijalnim dobrima.

Direktna šteta je šteta koja je direktno nanesena materijalnom dobru i izražava se u novčanom iznosu potrebnom za njegovu popravku i dovođenje u prvobitno stanje ili se izražava u iznosu revalorizirane sadašnje vrijednosti uništenog dobra.

Troškovi su posredna šteta koja se javlja kao posljedica direktne štete. Troškovi obuhvataju sve izdatke za sprovođenje privremenih mjera zaštite, za spašavanje i zbrinjavanje stanovništva, životinja i akvakulture i drugih materijalnih dobara u vrijeme trajanja ili neposredno poslije nastanka prirodne i druge nesreće koja je prouzrokovala direktnu štetu.

Procjenom šteta obuhvaćaju se materijalna dobra koja pripadaju pravnim i fizičkim licima sa sjedištem na području na kojem se šteta dogodila. Štete na dobrima (domaćim i stranim) zatečenim na stradalom području takođe se procjenjuju, bez obzira na to što pripadaju fizičkim i pravnim licima čije je sjedište van područja na kojem se šteta dogodila.

Pod materijalnim dobrima podrazumjevaju se: zemljište, oprema, alati, robe, prevozna sredstva, namještaj i sva druga osnovna sredstva i oprema koja se koristi za rad pravnih i fizičkih lica, prema obračunu Komisije za procjenu štete.

3. IZNOS ODOBRENIH SREDSTAVA

Pravo na dodjelu sredstava iz tačke 1. ovog Uputstva imaju sva pravna i fizička lica koja obavljaju registrovanu djelatnost shodno standardnoj klasifikaciji djelatnosti čije je sjedište i/ili podružnica (poslovna jedinica) registrovana na području Zeničko-dobojskog kantona, te koji su tokom poplava imali utvrđenu direktnu štetu i koji su u vrijeme poplava upošljavali 3 ili manje od tri lica.

Iznos finansijskih sredstava koja će biti dodjeljena jednom podnosiocu zahtjeva jednak je za sve uredne podnosiocje zahtjeva i iznosi 2.000,00 KM.

4. ZAHTJEV ZA ODOBRAVANJE SREDSTAVA

Uredan Zahtjev za odobravanje finansijskih sredstava podnosioci zahtjeva dostavljaju Ministarstvu za privredu.

Uz zahtjev, podnosioci zahtjeva dostavljaju sljedeće priloge:

- Original ili ovjerenu kopiju odgovarajućih obrazaca za evidentiranje i procjenu šteta koji se odnose na registrovanu djelatnost podnosioca zahtjeva.
Obrasci moraju biti sačinjeni i ovjereni od strane općinskih Komisija za procjenu štete u skladu sa Uredbom o jedinstvenoj metodologiji za procjenu šteta od prirodnih i drugih nesreća.
- Ovjerenu kopiju Odobrenja-Rješenja za obavljanje registrovane djelatnosti izdatog od strane nadležnog organa;
- Original ili ovjerenu kopiju spiska uposlenika izdat od strane Porezne uprave sa naznačenim datumom početka osiguranja i datumom kraja osiguranja;

- Uvjerenje Komercijalne banke da je žiro račun potencijalnog korisnika pomoći aktivan, ne starije od 60 dana u odnosu na dan podnošenja zahtjeva (original ili ovjerena kopija).

U slučaju da se zahtjev odnosi na podružnicu (poslovnu jedinicu) uredan zahtjev podrazumjeva:

- Original ili ovjerenu kopiju odgovarajućih obrazaca za evidentiranje i procjenu šteta koji se odnose na registrovanu djelatnost podružnice (poslovne jedinice) podnosioca zahtjeva.
Obrasci moraju biti sačinjeni i ovjereni od strane općinskih Komisija za procjenu štete u skladu sa Uredbom o jedinstvenoj metodologiji za procjenu šteta od prirodnih i drugih nesreća.
- Ovjerenu kopiju Odobrenja-Rješenja za obavljanje registrovane djelatnosti podružnice (poslovne jedinice) izdatog od strane nadležnog organa;
- Original ili ovjerenu kopiju spiska uposlenika podružnice (poslovne jedinice) izdat od strane Porezne uprave sa naznačenim datumom početka osiguranja i datumom kraja osiguranja;
- Uvjerenje Komercijalne banke da je žiro račun podnosioca zahtjeva aktivan, ne starije od 60 dana u odnosu na dan podnošenja zahtjeva (original ili ovjerena kopija).

5. DOPUNA ZAHTJEVA ZA ODOBRAVANJE SREDSTAVA PODNEŠENIH PO RANIJEM JAVNOM POZIVU

Podnosioci zahtjeva koji su se javili po Javnom pozivu za prikupljanje zahtjeva za odobravanje i dodjelu finansijskih sredstava iz Federalnog fonda – pomoći namjenjenih saniranju direktnih šteta usljed poplava kod privrednih subjekata, objavljenom u listu “Oslobođenje” dana 23.09.2014. godine, a koji je zatvoren 08.10.2014. godine, a čija je dokumentacija bila neuredna, dužni su izvršiti dopunu dokumentacije.

Dopunjena dokumentacija mora biti u skladu sa kriterijima navedenim u ovom uputstvu. Informacija – spisak podnosioca sa neurednim zahtjevima i dokumentacijom koju je neophodno dostaviti biće objavljena na web stranici Zeničko-dobojskog kantona (www.zdk.ba) i na oglasnim pločama općina na području Zeničko-dobojskog kantona. Sve informacije mogu se dobiti i u Ministarstvu za privredu putem telefona broj 032/460-720 I 032/460-721.

6. KOMISIJSKA OCJENA I NEGATIVNO RJEŠENJE

Komisiju za ocjenu ispunjenja uvjeta i kriterija za dodjelu sredstava po raspisanom Javnom pozivu imenuje i razrješava ministar Ministarstva za privredu. Za svoj rad ova komisija odgovara ministru Ministarstva za privredu.

Komisija razmatra pristigle zahtjeve po javnom pozivu, te cijeni ispunjenost uslova i kriterija za odobravanje sredstava.

Nakon zatvaranja Javnog poziva i pregleda zahtjeva, Komisija Izvještaj o ocjeni i mišljenju za sve aplikacije dostavlja ministru Ministarstva za privredu.

U slučaju kada Komisija ocijeni da nisu ispunjeni svi uslovi za odobravanje sredstava ministra Ministarstva za privredu, donosi Obavještenje o odbijanju zahtjeva podnosioca.

7. POSTUPAK ODOBRAVANJA

Nakon zatvaranja Javnog poziva, a na osnovu Izvještaja o ocjeni i mišljenju Komisije, ministar Ministarstva za privredu predlaže Vladi Kantona donošenje Odluke o odobravanju sredstava istovremeno za sve uredne korisnike.

8. JAVNO OGLAŠAVANJE

Na osnovu ovog Uputstva Ministarstvo za privredu objavit će Javni poziv u jednom dnevnom listu i na internet stranici Zeničko-dobojskog kantona (www.zdk.ba), te dostaviti svim općinama na području Zeničko-dobojskog kantona u cilju informisanja oštećenih lica. Javni poziv bit će otvoren do 15.11.2014. godine.

MINISTAR

Muhamed Husić